

# Auglýsing

## um friðlandið Lundey í Kollafirði

### 1. gr.

#### *Um friðlýsinguna*

Umhverfis- og auðlindaráðherra hefur ákveðið að friðlýsa Lundey í Kollafirði sem friðland í samræmi við 49. gr. laga um náttúruvernd nr. 60/2013.

Lundey liggur í innanverðum Kollafirði milli Geldinganes og Brimness á Kjalarnesi og er um 400 metra löng og 150 metra breið þar sem hún er breiðust. Hún er lægst að austanverðu en hækkar til vesturs og er um 14 m.y.s þar sem hún er hæst. Í Lundey hefur fundist fjöldi tegunda háplantna, má þar helst nefna haugarfa, vallarsveifgras, túnsúru, túnvingul og brennisóley. Vel gróna bletti er að finna með gulstör þar sem hún blandast með haugarfa, sem er afar sjaldgæft. Fjölskrúðugt varp sjófugla er í eygni en allir algengustu varpfuglarnir eru á válista Náttúrufræðistofnunar Íslands frá árinu 2018: lundi, rita, æður og teista. Hátt í 10.000 lundapör verpa í eygni.

Við ákvörðun um friðlýsinguna var höfð hliðsjón af samningnum um vernd villtra plantna og dýra og lífsvæða í Evrópu (Bern 1979, sbr. Stjórnartíðindi C 17/1993), samningnum um líffræðilega fjölbreytni (Río de Janeró 1992, sbr. Stjórnartíðindi C 11/1995) og samþykkt um votlendi sem hafa alþjóðlegt gildi, einkum fyrir fuglalíf (Ramsar 1971, sbr. Stjórnartíðindi C 1/1978).

Friðlýsta svæðið er 1,74 km<sup>2</sup> að stærð. Flatarmál sjávar er um 1,7 km<sup>2</sup> og flatarmál lands er um 0,04 km<sup>2</sup>.

### 2. gr.

#### *Markmið friðlýsingarinnar*

Markmiðið með friðlýsingu Lundeyjar er að stuðla að vernd líffræðilegrar fjölbreytni sbr. 2. gr. laga nr. 60/2013, með því að vernda mikilvægt fuglasvæði í nágrenni Reykjavíkur auk sérstæðs gróðurlendis. Í Lundey er mikilvægt varpsvæði sjófugla sem skráðir eru á válista Náttúrufræðistofnunar Íslands (2018), m.a. lunda, ritu, teistu og æðarfugls og er markmiðið jafnframt að vernda bú- og varpsvæði þessara tegunda.

Einnig er markmiðið að vernda lífríki í fjöru og á grunnsævi, lífríki á hafsbotni og hafsbotninn sjálfan.

### 3. gr.

#### *Mörk friðlandsins*

Mörk friðlandsins eru sýnd á korti meðfylgjandi auglýsingu og afmarkast af þeim hnitum sem gefin eru upp í ISN93 hnitakerfi í viðauka I.

Friðlýsingin nær til eyjarinnar og hafssvæðisins umhverfis hana, hafsbotns, lífríkis og vatnsbols.

### 4. gr.

#### *Umsjón með friðlandinu*

Umhverfisstofnun annast umsjón og rekstur friðlandsins, sbr. 2. mgr. 13. gr. laga um náttúruvernd. Stofnunin getur falið öðrum umsjón með friðlandinu skv. 1. mgr. 85. gr. sömu laga og er þá gerður sérstakur samningur um umsjón og rekstur sem ráðherra staðfestir. Til grundvallar samningi um umsjón og rekstur friðlandsins skal liggja fyrir stjórnunar- og

verndaráætlun fyrir svæðið. Í samningnum skal m.a. kveðið á um réttindi og skyldur samningsaðila, menntun starfsmanna og gjaldtöku.

5. gr.

*Stjórnunar- og verndaráætlun*

Umhverfisstofnun ber ábyrgð á gerð stjórnunar- og verndaráætlunar fyrir friðlandið í samvinnu við Reykjavíkurborg, landeigendur og eftir atvikum aðrar fagstofnanir og hagsmunaaðila, sbr. 81. gr. laga um náttúruvernd nr. 60/2013.

Stjórnunar- og verndaráætlun er háð staðfestingu ráðherra sbr. 81. gr. laga um náttúruvernd nr. 60/2013.

Í stjórnunar- og verndaráætlun skal m.a. fjallað um landnýtingu, landvörslu, fræðslu og miðlun upplýsinga og aðgengi ferðamanna, þar á meðal aðgengi fatlaðs fólks, aðgerðir til að bregðast við ágengum tegundum, rannsóknir og vöktun, mannvirkjagerð og nytjar.

6. gr.

*Umferð um friðlandið*

Öll landtaka frá sjó er óheimil innan friðlandsins á varptíma fugla frá 20. maí til 20. ágúst, nema að fengnu leyfi Umhverfisstofnunar sbr. 7. gr.

Leigutaka er heimilt að fara í land á varptíma í samræmi við samning sem gerður skal við landeiganda að höfðu samráði við Umhverfisstofnun.

Hámarkshraði farartækja á sjó innan friðlandsins eru 4 sjómílar.

Umferð vatnatakja s.s. sjókatta og seglbretta innan friðlandsins er óheimil á varptíma frá 20. maí til 20. ágúst. Siglingar smábáta, svo sem vegna útsýnisferða, eru heimilar allt árið um kring að teknu tilliti til 3. mgr.

Flug ómannaðra loftfara er óheimilt í friðlandinu á varptíma, frá 20. maí til 20. ágúst, nema að fengnu leyfi Umhverfisstofnunar. Undanskilin er notkun ómannaðra loftfara vegna almannahagsmuna, björgunar- eða lögregluáðgerða.

7. gr.

*Dvöl í friðlandinu*

Óheimilt er að fara í land í Lundey á varptíma fugla frá 20. maí til 20. ágúst, nema að fengnu leyfi Umhverfisstofnunar.

8. gr.

*Rannsóknir og vöktun*

Náttúrufræðistofnun Íslands ber ábyrgð á vöktun í friðlandinu, sbr. 1. mgr. 74. gr. laga nr. 60/2013 um náttúruvernd. Vöktunaráætlun skal vera unnin í samráði við Reykjavíkurborg, landeiganda og Umhverfisstofnun og vera hluti stjórnunar- og verndaráætlunar, sbr. 2. mgr. 74. gr. laga nr. 60/2013 um náttúruvernd. Skýrslur um niðurstöður rannsókna og vöktunar skulu vera aðgengilegar Reykjavíkurborg, landeiganda og Umhverfisstofnun. Rannsóknaraðilar í umboði Náttúrufræðistofnunar skulu tilkynna Umhverfisstofnun og landeiganda áður en farið er í eyjuna.

Veiting leyfa vegna rannsókna á menningarminjum fer eftir lögum um menningarminjar nr. 80/2012.

Aðrar náttúrufræðisrannsóknir en framangreindar eru háðar leyfi Umhverfisstofnunar. Nánar skal kveðið á um rannsóknir og vöktun í stjórnunar- og verndaráætlun.

9. gr.

*Fræðsla*

Umhverfisstofnun hefur yfirumsjón með gerð fræðsluefnis um friðlandið í því skyni að efla vitund almennings á mikilvægi verndunar svæðisins. Nánar skal fjallað um fræðslu í stjórnunar- og verndaráætlun.

10. gr.

*Verndun gróðurs og dýralífs*

Óheimilt er að spilla gróðri og trufla dýralíf innan friðlandsins hvort heldur er á landi, í fjöru, í sjó eða á hafsbotni. Vernda skal náttúrulegt gróðurfar með það að markmiði að standa vörð um líffræðilega fjölbreytni svæðisins. Heimilt er að grípa til aðgerða til að bregðast við ágengum tegundum. Nánar skal fjalla um aðgerðir í stjórnunar- og verndaráætlun.

Óheimilt er að sleppa, dreifa eða rækta framandi lífverur innan friðlandsins, sbr. reglugerð um innflutning, ræktun og dreifingu útlendra plöntutegunda, nr. 583/2000, og lög nr. 54/1990 um innflutning dýra. Nánar skal fjallað um fyrirbyggjandi aðgerðir og upprætingu framandi tegunda í stjórnunar- og verndaráætlun.

Óheimilt er að stunda fiskeldi eða annað eldi sjávardýra innan verndarsvæðisins.

11. gr.

*Vernd menningarminja*

Um verndun menningarminja fer eftir lögum um menningarminjar nr. 80/2012.

12. gr.

*Landnotkun, mannvirkjagerð og nytjar*

Mannvirkjagerð og efnistaka, þ.m.t. í sjó, er óheimil í friðlandinu nema að fengnu leyfi Umhverfisstofnunar.

Jarðrask í friðlandinu er háð leyfi Umhverfisstofnunar, sbr. 2. mgr. 40. gr. náttúruverndarlaga nr. 60/2013 og landeiganda og skal vera í samræmi við stjórnunar- og verndaráætlun.

Nýting æðarfugls er heimil með samþykki landeiganda. Komi til nýtingar leigutaka skal gera um hana sérstakan samning við landeiganda um nytjar í friðlandinu, að höfði samráði við Umhverfisstofnun og Náttúrufræðistofnun Íslands.

Afla skal leyfis Umhverfisstofnunar vegna athafna og verkefna sem hafa í för með sér hættu á jarðraski eða truflun fyrir lífríki svæðisins, s.s. ljósmyndum, kvikmyndataka, viðburðir eða önnur verkefni.

13. gr.

*Veiðar og notkun skotvopna*

Öll meðferð skotvopna er bönnuð innan friðlandsins. Undanskilið banninu er notkun skotvopna til minkaveiða. Bannað er að hafa eyna að skotmarki, hvort heldur er af landi, sjó eða úr lofti.

Veiðar á fuglum eru óheimilar innan friðlandsins.

Netaveiðar eru óheimilar innan friðlandsins.

14. gr.

*Viðurlög*

Um brot gegn ákvæðum friðlýsingarinnar fer samkvæmt lögum um náttúruvernd nr. 60/2013.

15. gr.

*Gildistaka*

Friðlýsingin öðlast þegar gildi.

---

**Guðmundur Ingi Guðbrandsson**  
**umhverfis- og auðlindaráðherra**

Tilráð

# Kort af friðlýsta svæðinu



 <a href="http://www.ust.is">http://www.ust.is</a>	<h2>Lundey</h2>	<ul style="list-style-type: none"> <li><span style="border: 1px solid white; display: inline-block; width: 10px; height: 10px; margin-right: 5px;"></span> Friðlýsingarmörk</li> <li><span style="border: 1px dashed yellow; display: inline-block; width: 10px; height: 10px; margin-right: 5px;"></span> Stórstraumsfjara</li> </ul>	Flatarmál: 1,74 km <sup>2</sup>
			Kortavörpun: Lambert keiluvörpun
			Hnattstaða: ISN93
			Kortagerð: Guðni Hannesson LMÍ
			Dags: 19.05.2020
			© Landmælingar Íslands

## Viðauki I – Hnitaskrá

	<b>X</b>	<b>Y</b>			
<b>1</b>	362992	411723	<b>34</b>	361820	412861
<b>2</b>	362862	411714	<b>35</b>	361974	413024
<b>3</b>	362754	411734	<b>36</b>	362162	413086
<b>4</b>	362702	411753	<b>37</b>	362297	413096
<b>5</b>	362676	411763	<b>38</b>	362368	413085
<b>6</b>	362663	411767	<b>39</b>	362402	413079
<b>7</b>	362614	411775	<b>40</b>	362444	413069
<b>8</b>	362557	411789	<b>41</b>	362470	413062
<b>9</b>	362533	411796	<b>42</b>	362470	413062
<b>10</b>	362507	411801	<b>43</b>	362490	413060
<b>11</b>	362484	411810	<b>44</b>	362507	413058
<b>12</b>	362481	411810	<b>45</b>	362546	413054
<b>13</b>	362434	411822	<b>46</b>	362611	413043
<b>14</b>	362398	411832	<b>47</b>	362687	413017
<b>15</b>	362390	411833	<b>48</b>	362694	413016
<b>16</b>	362300	411851	<b>49</b>	362797	412969
<b>17</b>	362219	411894	<b>50</b>	362838	412945
<b>18</b>	362177	411918	<b>51</b>	362858	412933
<b>19</b>	362148	411939	<b>52</b>	362892	412913
<b>20</b>	362140	411944	<b>53</b>	362964	412864
<b>21</b>	362119	411956	<b>54</b>	363024	412801
<b>22</b>	362055	411994	<b>55</b>	363028	412798
<b>23</b>	361999	412037	<b>56</b>	363053	412776
<b>24</b>	361961	412071	<b>57</b>	363100	412728
<b>25</b>	361912	412121	<b>58</b>	363106	412720
<b>26</b>	361867	412180	<b>59</b>	363110	412716
<b>27</b>	361836	412226	<b>60</b>	363131	412695
<b>28</b>	361808	412271	<b>61</b>	363377	412608
<b>29</b>	361791	412308	<b>62</b>	363469	412010
<b>30</b>	361769	412355	<b>63</b>	363189	411805
<b>31</b>	361737	412467	<b>64</b>	363162	411792
<b>32</b>	361735	412612	<b>65</b>	363141	411779
<b>33</b>	361763	412729	<b>66</b>	363080	411751
			<b>67</b>	362992	411723